

SUTTA 'N PEDI

Sutta un peri di nucidda
c'è na naca picciridda
si ci curca lu bamminu
San Giuseppi e San Jachinu

Rit: Susi Pasturi nun dormiri chiù
lu viri che natu lu Bamminu Gesù

Sutta un peri di lumia
c'è na fimmina ca cusia
e cusia lu 'nfasciaturi
pi 'n fasciarici lu Signuri

Rit: Susi Pasturi nun dormiri chiù
lu viri che natu lu Bamminu Gesù

Sutta un peri di cirasa
san Giuseppi fà la casa
fa la casa pi lu Signuri
senza petri ma cu l'amuri

Rit: Susi Pasturi nun dormiri chiù
lu viri che natu lu Bamminu Gesù

E nasciu lu Bammineddu
senza un filu di capiddu
quarchi filu chi ci avia
comu l'oru ci stralucia.

Rit: Susi Pasturi nun dormiri chiù
lu viri che natu lu Bamminu Gesù